

# Эслеринден кетмезлик жолоучулукъ

Республикадан жыйырма төрт школчу бу кюнде кыралны ара шахары Москвага баргъан эдиле. Аланы ары Коммунист партияны Къабарты-Малкъар республикалы бёлюмю ашыргъан эди. Кызыкъланы бла жашыкъланы биргелерине делегацияга башчылыкъ этип, партияны Бахсан район бёлюмюню члени Равида Казарова эмда Нальчикде райкомну члени Виолетта Тумова элгендиле. Алагъа Кырал Думаны депутатлары Анатолий Бифов эмда Казбек Тайсаев тубеген эдиле. Ала кыралны ара шахарында Къабарты-Малкъардан келгенле эрикмей, бир затдан кыйналмай турур ючюн, къолдан келгенни аямагъандыла.

Москвада болгъан кюнде сабийле, Кызыл майданны кёргенден сора да, Арбатда да айлангъандыла. Уллу Ата журт урушну кезиунде ёлген аскерчилеге ишленген мемориалны да жокълагъандыла.

Бизни республикабыздан сора да, ары кыралны жыйырма алты шахарындан, Белоруссиядан, Кырымдан да биринчи кере сабийле баргъандыла. Кызыл майданда къууанчлы линейка болгъанды, Королёв шахардан сабий хужожестволу коллектив уллу болмагъан концерт программа кёрюзтгенди. Галстукланы уа сабийлеге РФ-де Коммунист партияны башчысы, Кырал Думаны депутаты Геннадий Зюганов, аскер илмуланы профессор адмирал Васильев да къысхандыла. Бизни сабийле Зюганов бла да суратха туюгъендиле.

Андан сора ала Пионерлени къаласына баргъандыла, анда уа, төреде болгъаныча, уллу от жандырылгъанды. Сабийле

аны төрегинде айланып, ойнап, назмула айтып, зауукълукъ тапхандыла. Аланы араларында Хасанияны 16-чы номерли школундан Созайланы Амин, Моллаланы Асият, Ностулананы Амина, Ёлмезланы Айна да бар эдиле.

- Биз Москвага биринчи кере баргъанбыз, деп хапарлагъандыла ала. - Кызыл майданны телевизордан кырап кёре эдик да, анда болгъаныбыз бютюнда хычыуун кёрюнгенди. Сёзсюз, биз бу жолоучулугъубузну юсюнден тенглерибизге хапар айтырыкъларыбыз, ол кеси уа эсибизде ёмюрге къаллыкъларыбыз. Бизни Арбатда бек иги ресторанда сыйлагъанларыннан сора да, мороженое, конфетле алып да ашата эдиле. Кысыхасы, биз нени сыйсек да, аны алып бергендиле.

Сабийле поездден тюшгенлей, аланы Нальчикде Келишиулюк-но майданында Ленинни эсгертмесини къатына келтирген эдиле. Ала арып, талып тургъанларына да къарамай, жарыкъларыбыз да келгенди, Москвадан хапарны да



сыйлоп айта эдиле.

Аланы келгенлерине жораланып, митинг да къуралгъанды. Анда уа КъМР-ни Парламентини депутаты Шауаланы Илияс, Коммунист партияны Къабарты-Малкъар республикалы бёлюмюню таматасы Борис Паштов, шахар комитетни биринчи эм экинчи секретарлары Владимир Тумов, Мисирланы Жамал, Уллу Ата журт урушну ветеранлары, партияны членлери да келген эдиле. Борис Султанович сабийле сау-саламат къайтханларына

къууанганын билдиргенди, бу жолоучулукъларын ала терк-терк эсгере турурларына ышанганын айтханды. Жаш пионерлени партияны эрттеги члени Владимир Темирганов, Уллу Ата журт урушну ветераны Любовь Остапова да алгъышлагъандыла.

Ата-аналаны атларындан 74-чю номерли сабий садны директору Хочуланы Зайнаф селешгенди. Ол, Москвага къызы бла бирге кеси да баргъанын айтып, сабийлеге хар

жерде да бек иги къарагъанлары, бек сакъ болгъанларын да чертгенди.

- Не гитче иш да эсге алынганды. Бу керти да огуурлу эмда керекли иш эди. Нек дегенде ма быллай юлгюледе юйретирге керекди ёсюп келген телюлени. Быллай затла аланы эслеринде бютюн иги къаладыла. Алайды да, бу жолоучулукълары кырагъан-ла бек сау болсунла, ол бир чурум тапмазча ётгенди, - дегенди.